


# RISA Y BRISA

# vispera di C ELECCION



*Milo parece a dicidi di bay splica Chido di Polis pakico el a bay baila waltz cu asunto di ruta. Parece cu Milo a splica cu el a cumpli cu su palabranan y a bay, pero cu el a bolbe di biaha....*

naval, Calypso y Tumba mester cera boca pa Balada resona. Ata Serenada pa Reina di Coastal ariba stage. Nos curazon a kibra. Nos stima Edwin, pero no ta berdad cu cada cos tin su hora...

\*\*\*Si otro aña sigui cu e shownan, no ta resta mucho di e reina mes. Na cierto momento nos tabata tin miedo cu dunadornan di show, lo a basha reinanan for di stage. Holoooo! Si no tabata pa e hecho cu mayoria tabata bay soño cu tanto show, nos lo por a mira e Reinanan mihor...

\*\*\*Pero di tur forma nos a keda contento di mira con e Turconan a integra den carnaval. Nan a worde hiba na forma masivo pa grita pa Reina di Coastal....

\*\*\*Muchanan di school a nota cu durante su presentacion oficial, e Reina di Coastal tabata parece otro hende. Nos a bay check e

informacion y a resulta cu mientras Ronny tabata leza E telegram, e Reina di Coastal a bay dal un baño turco....


\*\*\*Pero laga nos keda keto. Pasobra manera Coastal mes a bisa, nos mester keda contento cu Coastal a bin habri nos boca pa hinca cuminda aden...

\*\*\*Boso ta cordami? Mi ta boso amiiiiiga...Un di e frasenan inolvidable cu nos Reinanan a expresa. Un pregunta nos tin: pakico hende di 17 aña no por papia loke pasa den nan cabez y mester bay bisa versje?

\*\*\*Shakespeare, Vondel y tur otro poeta casi a bolbe muri ora un Reina a cuminza declama. E mucha a declama na Papiamentu y a declama na Ingles. Mucha a declama!!! Asunto di cruza cielo, tera y lamar pa haya su pida Carnaval. Aki Holoooo a muri....

\*\*\*Nan di cu ora un Reina a grita pa di tantísimo bez: "Bo tey?" un hombre a contesta: "No, mi a bay bolbe..."

\*\*\*E Reina di Santa Cruz tabata tin un problema chikito pa haya trapi. Mucha no kier a baha trapi y despues e no kier a subi mas. Ta manera el a perde caminda. Otro candidata tabata subi y baha



*Porfin fotografonan a haci un bon trabao ora nan a dicidi di laga nan camaranan para....*

\*\*\*Publico presente, bon nochi!!!!!! Carnavalistanan, boso tey???? Mi nomber ta Michi....ay, mi mama. Pakico casi tur candidata a haci manera ta les nan ta tuma cerca parhanan pa siña bula? Alanan tabata bati pisa haci hende su wowo bira dwars....

\*\*\*Promer nos sigui, pa Milo no rabia y pa nos complace di henter nos curazon, laga nos bisa: Milo: e stage tabata bunitaaaaaaa. Holoooo!! (Di berdad e stage tabata bunita. Pero parece cu Milo a pensa cu nos ta ciego...

\*\*\*Tur hende a goza bon. Tur hende a pasa bon. Y nos a hari pa baster, de bez en cuando a yora, a pega soño bolbe spierta pa despues sinti nos curazon kibra. Esaki si tabata un eleccion....

\*\*\*Pa cuminza e shownan! Que show! Cada Reina cu su Show. Un asunto di Show di Reina. Esun cu mas nos a aprecia tabata e ultimo. Un señorito y un señorita ta baila algo, cu nos no a comprende mucho bon. Promer nos a kere ta samba. Despues el a parece un baile di Java, pa transforma su mes den un baile di Polonesia y finalmente duna impresion cu tabata un baile Africano. En todo caso e tabata casi un baile di Zjaka Zulu. E jufrouw tabata casi manera e juffrouwnan di e tribunan Africano, pa loke ta trata loke su disfras. Mi mama! Holo! Mucha a muestra casi toditoooooo ariba stage.....

\*\*\*Y nos ta keda un lugar di primicia. Pa promer bez den Car-